



## ԾԻՏԸ



Լինում է, չի լինում՝ մի ծիտ:

Մի անգամ էս ծտի ոտը փուշ է մտնում: Դես է թռչում, դեն է թռչում, տեսնում է՝ մի պառավ փայտ է ման գալիս, որ թոնիրը վառի, հաց թխի: Ասում է.

– Նանի՛ ջան, նանի՛, ոտիս փուշը հանի՛, թոնիրդ վառի՛, ես էլ գնամ քուջուջ անեմ, գլուխս պահեմ:

Պառավը փուշը հանում է, թոնիրը վառում:

Ծիտը գնում է, հետ գալիս, թե՛ իմ փուշը հեն տուր ինձ:

Պառավն ասում է.

– Փուշը թոնիրն եմ գցել:

Ծիտը կանգնում է, թե՛

– Իմ փուշը տու՛ր. թե չէ՛ դես կթռչեմ, դեն կթռչեմ, լավաշդ կառնեմ, դուրս կթռչեմ:



Պառավը մի լավաշ է տալիս: Ծիտը լավաշն առնում է թռչում: Գնում է տեսնում՝ մի հովիվ առանց հացի կաթ է խմում: Ասում է.

– Հովիվ՛ ախպեր, կաթն ինչո՞ւ ես առանց հացի խմում: Լավաշն անձ, կաթի մեջ բրդի՛, կե՛ր: Ես էլ գնամ քուջուջ անեմ, գլուխս պահեմ:

Գնում է, հետ գալիս, թե՛ լավաշս տու՛ր:

Հովիվն ասում է.

– Կերա:

– Չէ՛, իմ լավաշը տու՛ր, թե չէ՛ դես կթռչեմ, դեն կթռչեմ, գառնուկդ կառնեմ, դուրս կթռչեմ:



Հովիվը գառը տալիս է:

Ծիտը գնում է, տեսնում՝ հարսանիք են անում, գառ չունեն: